



laringologija i pridružena nj-
mpa kao udžbenik na Fakulte-
Banja Luci.



Pregledala sam rukopis pod naslovom „Otorinolaringologija i pridružena njega” autora Fuada M. Brkića iz Tuzle i Dejana Rančića iz Niša. Tekst je napisan dosta razumljivim stilom, koji daje mogućnost da se čitalac istoga upozna na veoma jasan način sa osnovama otorinolaringologije. Rukopis je napisan na 67 strana, A4 formata i podijeljen je u tri glavna poglavlja: Otologija, Rinosinusologija, Faringolaringologija. Ono što je zanimljivo u ovom rukopisu, je da je svako poglavlje, iz didaktičkih razloga podijeljeno na pet podpoglavlja: Kratki repetitorij anatomije i fiziologije, Oboljenja, Dijagnoza, Terapija i Postoperativna njega. Isto tako je podpoglavlje oboljenja podijeljeno na pet dijelova: urođena oboljenja, upalna oboljenja, traumatska oboljenja, tumori i druga neklasificirana oboljenja. Sa ovakvom podjelom, autori na zanimljiv način pokušavaju da prikažu najvažnije karakteristike oboljenja u otorinolaringologiji. Ovaj skupni prikaz je jedan novi način prikaza glavnih informacija u otorinolaringologiji, čime su autori željeli da daju značaj onim zajedničkim karakteristikama pojedinih oboljenja, odnosno oboljenja pojedinih organa. Autori su u prilikom pisanja ovoga rukopisa koristili klasične udžbenike iz otorinolaringologije pisane na jezicima južnoslovenskih naroda, a jedan određen dio informacija su dobili iz inostranih klasičnih udžbenika, kao i iz elektronskih baza na internetu. Rukopis je ilustriran sa dvadeset slika, koje prikazuju od osnova anatomije, do nekih klasičnih patoloških stanja u otorinolaringologiji.

Na kraju rukopisa autori su napisali dva poglavlja koja se odnose na korozivna oštećenja i na strana tijela u otorinolaringologiji. I pored velikih napora preduzetih na podizanju nivoa prosvjećenosti stanovništva, i dalje se dešavaju i aspiracije stranih tijela u traheobronhalno stablo, kao i korozivna oštećenja u ORL regiji, koja mogu letalno završiti.

Mišljenja sam da rukopis pod naslovom „Otorinolaringologija i pridružena njega” ispunjava uslove da bude štampan kao udžbenik za studente Fakulteta zdravstvenih nauka Univerziteta Apeiron, te predlažem da se i štampa kao udžbenik.



Prof. dr Jasminka Alagić Smajilbegović
otorinolaringolog

Sarajevo, 3. jula 2012. godine